

森 強 縣 志

嘉慶八年柴天開雕

崇禎七年五月廿五日

本齋藏板

棗強縣志序

前翰林院庶吉士今天津令任湘晚繼其先君子知棗強克修縣志成書來請予序予受而畢讀之始叙例十六條發明作志之義終叙錄十四則脩存作志之人年經事緯本本原蓋釐然史法矣總目二紀八圖四表五志一略三傳二紀二錄卷分二十第一紀

天章第二紀

恩澤蓋尊

王也其三曰圖考總縣境一分縣境三縣城縣署

文廟義倉各一凡八圖四表者何一沿革二爵封貶封附焉屬卷四三職官屬卷五四選舉屬卷六何謂五志

棗強縣志

地理一也屬卷七有星野沿革疆域里社保甲河渠古蹟塚墓之分建置二也屬卷八有城池公署公所驛會倉儲兵防舖遞墩堡市集坊表郵政橋梁壇廟寺觀之分卷九志田賦有歷代之制焉有現在地畝之數焉有戶口地糧丁銀領支鹽課雜稅焉卷十志學校以書院義學附之卷十一志典禮慶典也祀典也禮儀也循政難得於今故曰略其義甚嚴特冠史傳列傳以風之卷次十二十三十四列女傳卷十五記風俗歲時物產於十六卷曰風土十七卷祥異大事識餘曰雜記十八十九分上下卷錄藝文上錄制詔諭記下錄序傳碑誌銘文贊引議示詩終二十卷曰叙錄所謂脩存作志之人

也自嘉慶庚申湘晚知縣事上沂乾隆庚寅其先君子  
進士萬圃公諱增嘗有意於縣志旋調山東未竟而去  
又上沂壬申知縣山東高密進士單作哲纂修八門曰  
地理曰建置曰賦役曰職官曰選舉曰人物曰藝文曰  
雜稽有序永權縣事江南元和監生沈鳴臯序副焉又  
上沂康熙庚申知縣漢軍鑲黃旗監生董廷榮與邑人  
江澂有序有跋又上沂已酉知縣江西金谿進士張士  
任序江澂選貢劉永祺並序後董與張皆因於知縣江  
南宣城貢生胡夢龍所序康熙丁未志也凡四卷三十  
七門湘晚叙其善萃搜剔可謂勤矣

棗強縣志序

二

辰志邑人陝西慶陽通判陶萬象序後者有河南祥符  
進士郭維寧知縣事序萬歷甲午志邑人知山西孟縣  
事宋室序後者而序錄棗強故無志實自嘉靖三十四  
年乙卯知縣永川進士羅廷唯序邑略始今者距羅志  
之年二百四十有奇矣距胡百餘歲距單亦五十有二  
年矣羅郭王三志皆泯滅惟胡單二志僅存芟胡之陋  
補單之疎不蔓不枝俾無違於史法此作志之義也叙  
例發明得古人著述之遺意矣湘晚賢克成先志楊君  
又今之學古有獲者不且相得益彰耶志始於嘉慶壬  
戌訖癸亥夏初換天津越三月梓事竣整比成書夫志  
如棗強令如湘晚興二百四十七年當務之急此循政

也於子實有光焉可序也如不文何雖然吾所謂循政當務之急不獨棗強又豈惟志哉湘晚勉旃繼棗強者勉旃抑不僮湘晚與繼棗強者宜勉旃也此又區區立言之史法也其猶湘晚叙例叙錄與若夫行遠言文以俟君子讀棗強志訖故僭序如此嘉慶九年甲子秋九月丙午日

太子少保兵部尚書兼都察院右都御史總督直隸等處兼管河道提督軍務糧餉紫荆密雲等處關隘兼管巡撫事加三級連平顏檢惺甫謹序

棗強縣志敘例

賜進士出身直隸冀州棗強縣知縣前翰林院庶吉士任銜蕙撰

州縣之志古者侯封一國之書也就一縣之事而志之舉其凡目可以見一縣之事矣若不先崇體例慎所取裁何以爲一邑之史耶今爲挈其綱領以修明之使後之人知其典則識所勸懲治法備而掌故存不敢以己之臆見爲詳畧也

史之有紀始於呂氏春秋十二月紀司馬遷作史記載述帝王行事冠之於前後之史家遞相效法而州邑之志罔識遵循蓋多惑於地理類書之例宜其散漫無章而失史家要義矣古者列國各有史書魯之春秋正月必稱王者所以崇奉所尊也茲敬恭錄

棗強縣志

敘例

頒發學宮

御製文曰

天章紀竝恭錄

詔諭所及凡棗強亦在其內者曰

恩澤紀所以備外史之拾遺爲邑書之弁冕庶幾提綱挈領次第井然

近代方志無不有圖而難垂典則者或廁於序目凡例視同弁髦或逐於景物摩畫山水工其繪事皆無當於史裁也唐宋州郡之書多尚圖經而地理統圖則起於周官大司徒職方氏迨漢入關蕭何之收圖籍是已蓋

圖之存於古者代有其書特以史部不收再傳而失其本耳夫志不立圖則形狀名象必不可求倘不爲繫說命名釐定篇次何以立體耶釋名曰南北爲經東西爲緯地理之圖亦畧存經緯焉茲以開方計里爲經而以縣鄉村落爲緯使閱者按格可稽易於披索正如三輔黃圖元和郡縣圖志圖與書相輔而行也

史部要義有文辭者曰志曰傳無文辭者曰表虛實相資詳畧互見者也茲志作沿革表所以標其眉目以資考鏡也作爵封表知漢之置縣建立侯國也至於職官選舉詳其列官之歲科舉之年若不年經事緯終覺立例不精難於尋究茲倣馬班表體班分類附事緯年經俾流覽者按索而易考云

東強縣志

敘例

二

顏師古曰志記也積記其事也班固漢書作地理志并及分野後漢書倣之作郡國志後之史家皆守其例而不變茲志地理本之各史地志並參考括地志元和郡縣圖志太平寰宇記通典通考以及各書記載敘其沿革以與前表互見蓋表畧而志詳也至於疆域四至保甲村莊是必詳明道里皆有所稽舊志河渠古蹟列入雜稽未免漫無所據今則考訂各書歸之地理使覽者詳焉

建置所以志法度也夫建者立也樹也置者安也設也城邑衙署壇壝祠廟社稷民人所由重也制度所不在

則不入焉若八景命名庸陋無所取材概爲削去不留以嚴史體

史遷平準之書班固食貨之志所以存一代之典也欲考今者先徵於古茲志田賦先敘歷代之制粗述梗概以爲緣起詳載

國朝賦役全書以見制度有經若唐李吉甫國計簿宋丁謂會計錄自勒一書之例也

學校廟祀載於會典士民罕見其書故特爲詳列所以明禮教也杜佑通典禮制悉存儀節以備後人之資者固亦不厭其詳茲志典禮遵照會典禮部則例編輯成書至於邊豆笙磬之數揖讓拜跪之文詳備其儀以爲掌故率而行之可以知禮之所由矣

棗強縣志

敘例

三

作循政略與鄉賢列傳有殊體焉蓋傳之體縟而文略之體直而潔是峻潔其體斯可冠冕列傳耳古人有經無緯之書大抵名之曰略表子野取沈約宋書而編年稱略是已職官表之列名不計賢否循政略則循名責實義取謹嚴表有名而略無述雖語無褒貶而意具抑揚去取之間寓春秋之意可爲從政者勸也

釋名曰傳傳也以傳示後人也自左史彙萃寶書詳具春秋終始而史遷則以人別爲篇標傳稱列所由名矣邑之人物如董仲舒賈彝孟信范廷召已詳各史者則錄其原文別曰史傳抑亦馬班遞相刪述之旨耳至於

列傳之有目者蓋事重於人正如儒林循吏初不爲施孟梁邱龔黃卓魯而設也茲爲列傳一皆本之舊志或有年遠莫考者則略而不詳仍其舊而無所筆削以合闕疑之義

列女之傳倣於劉向以傳其行也疾風勁草忠臣烈士與日月爭光焉若貞女節婦熒熒自守心如金石百折不回大義所存皎如冰雪固可與忠臣烈士並傳不朽矣雖地不乏人人不乏事然而人微迹隱不值輶軒之採或又未遇旌揚雖有苦節幽貞歸於草木同盡豈不悲哉茲則責成採訪之人悉心搜訪雖未邀旌典者嘉其苦志亦必類列以著芳型並著德壽二人以合劉

棗強縣志

敘例

四

向之例羅列女行也

說文云記疏也謂一一分別記之也晉周處作風土記梁宗懷作荆楚歲時記皆所以志民俗也茲倣其義例記其風土而俗禮土風隨類而敘並疏物產以別土宜蓋亦問俗採風之遺意爾

晉葛洪撰西京雜記乃當時欲撰史錄事而未得締思無前後之次雜記而已嗣後唐李璋有晉陽事跡雜記張文規有吳興雜錄是其例矣迺倣而記之

孟堅仍七略而志藝文以傳篇目後之史家作志皆倣其意焉棗邑自董子春秋繁露而外考求古今竟無著述可存部目惟有錄其記事敘述之文以證城池學校

解舍之興廢名宦選舉之盛衰與志傳紀事可爲表裏其傳狀碑銘有與列傳相彷彿者正以詳畧互存徵事得實以補志之闕也其無關於考証得失者概不入焉附以詩歌亦寓國風遺意以非班氏藝文之例不敢云志故名爲錄云

古者史家著作旣成必反覆推明著書之旨此馬班之自序敘傳所由作也志乘爲一邑之史不明史家紹述淵源之義不列專篇乃今前志難傳湮而莫考抑亦弗思之甚矣夫索綬之前涼春秋端資邊瀏常璩之華陽國志半襲譙周是則一方之書不能無藉於一方之紀載若不敘列其人其文明折衷之有自豈非得魚忘筌

東強縣志

敘例

五

又何怪乎放失難考耶茲作敘錄明撰述之所自標去取所由來羅列序跋初非以多爲貴第以文獻無徵寧存毋廢畧倣史家敘傳敘錄之意推明其故以爲後來者例焉

東強志自乾隆壬申知縣單君作哲修輯後至今五十餘年志板無存難於徵考

街蕙

幼侍

先君子宰此邦

茲復繼宰是邑亟欲搜訪事蹟撰述成書迺於嘉慶壬戌十二月開局編纂至癸亥四月脫稿凡延儒修脯劑刷工費皆捐廉自辦不以絲毫累及士民是志也主修則

街蕙

也纂修則陽湖楊君元錫也同修則訓導李君

綸盛也采訪則生員辛奎璧袁躅芳孫文坊姚經文楊

信芳吳廷舉鄭述曾陳宗儒龍汝言唐封劉維嶽李毓  
傑也維時銜蕙奉檄調任天津卽於四月望日就道到  
津後始付剞劂又越三月而刊畢裝訂成書迺作敘例  
十六則發明作志之義識其大畧焉

棗強縣志目錄

紀二

圖八

表四

志五

略一

傳三

記二

錄二

卷一

天章紀

棗強縣志 目錄

卷二

恩澤紀

卷三

圖考

縣境總圖一 縣境分圖三 縣城圖  
縣署圖 文廟圖 義倉圖

卷四

沿革表

爵封表

施封附

卷五

職官表

卷六

選舉表

卷七

地理志

星野 沿革 疆域 里社 保甲  
河渠 古蹟 塚墓

卷八

建置志

城池 公署 公所 廨舍 倉儲  
兵防 舖遞 墩堡 市集 坊表  
郵政 橋梁 壇廟 寺觀附

卷九

田賦志

歷代之制 現在地畝之數 戶口  
地糧 丁銀 領支 鹽課 雜稅

卷十

學校志

書院義學附

卷十一

典禮志

慶典 祀典 禮儀

棗強縣志 目錄

卷十二

循政略

卷十三

史傳

卷十四

列傳

先儒 鄉賢 仕績 武功 忠義  
孝友 文學 卓行 厚德

卷十五

列女傳

節孝 貞烈 德壽

卷十六

風土記

風俗 歲時 物產

卷十七

雜記 祥異 大事 識餘

卷十八

藝文錄上 制詔 諭記

卷十九

藝文錄下 序傳 碑誌 銘文 贊

卷二十

敘錄

棗強縣志卷第一

直隸棗強縣知縣臣任銜蕙恭紀

天章紀

聖祖仁皇帝御製文

至聖先師孔子贊并敘

康熙二十八年  
頒發學宮

蓋自三才建而天地不居其功一中得而聖人代宣其蘊  
有行道之聖得位以綏猷有明道之聖立言以垂憲此正  
學所以常明人心所以不泯也粵稽往緒仰溯前徽堯舜  
禹湯文武達而在上兼君師之寄行道之聖人也孔子不  
得位窮而在下秉剛述之權明道之聖人也行道者勲業  
炳於一朝明道者教思周於百世堯舜文武之後不有孔  
子則學術紛淆仁義湮塞斯道之失傳也久矣後之人而  
欲探二帝三王之心法以爲治國平天下之準其奚所取  
衷焉然則孔子之爲萬古一人也審矣朕巡省東國謁祀  
闕里景企滋深敬摛筆而爲之贊曰

清濁有氣剛柔有質聖人參之人極以立行著習察舍道  
莫由惟皇建極惟后綏猷作君作師垂統萬古曰惟堯舜  
禹湯文武五百餘歲至聖挺生聲金振玉集厥大成序書  
剛詩定禮正樂旣窮象繫亦嚴筆削上紹往緒下示來型  
道不終晦秩然大經百家紛紜殊途異趣日月無踰羹牆  
可晤孔子之道惟中與庸此心此理千聖所同孔子之德  
仁義中正秉彜之好根本天性庶幾夙夜勗哉令圖溯源

泚泗景躅唐虞載歷庭除式觀禮器擗臺仰贊心焉遐企  
百世而上以聖爲歸百世而下以聖爲師非師夫子惟師  
於道統天御世惟道爲寶泰山巖巖東海泱泱宮牆萬仞  
夫子之堂孰窺其藩孰窺其徑道不遠人克念作聖

四子贊

顏子

聖道早聞天資獨粹約禮博文不遷不貳一善服膺萬德  
來萃能化而齊其樂一致禮樂四代治法兼備用行舍藏  
王佐之器

曾子

洙泗之傳魯以得之一貫曰唯聖學在茲明德親民止善

棗強縣志卷一

天章紀

二

爲期格致誠正均平以推至德要道百行所基纂承統緒  
修明訓辭

子思子

於穆天命道之大原靜養動察庸德庸言以育萬物以贊  
乾坤九經三重大法是存篤恭慎獨成德之門卷之藏密  
擴之無垠

孟子

哲人旣萎楊墨昌熾子輿闢之曰仁曰義性善獨闡知言  
養氣道稱堯舜學屏功利煌煌七篇並垂六藝孔學攸傳  
禹功作配

訓飭士子女

康熙四十一年  
頒發學宮

國家建立學校原以興行教化作育人材典至渥也朕臨御以來隆重師儒加意庠序近復慎簡學使釐剔弊端務期風教修明賢才蔚起庶幾棧樸作人之意乃比年士習未端儒效罕著雖由內外臣工奉行未能盡善亦由爾諸生積錮已久猝難改易之故也茲特親製訓言再加警飭爾諸生其敬聽之從來學者先立品行次及文學學術事功源委有敘爾諸生幼聞庭訓長立官牆朝夕誦讀寧無究心必也躬修實踐砥礪廉隅敦孝順以事親秉忠貞以立志窮經考業勿雜荒誕之談取友親師悉化驕盈之氣文章歸於醇雅毋事浮華軌度式於規繩最防蕩軼子衿佻達自昔所譏苟行止有虧雖讀書何益若夫宅心弗淑

行已多愆或蜚語流言挾制官長或隱糧包訟出入公門或唆撥奸猾欺孤凌弱或招呼朋類結社邀盟乃如之人名教不容鄉黨弗齒縱倖脫褫扑濫竊章縫返之於衷寧無愧乎况夫鄉會科名乃掄才大典關係尤鉅士子果有真才實學何患困不逢年顧乃標榜虛名暗通聲氣夤緣詭遇罔顧身家又或改竄鄉貫希圖進取鬻陵騰沸網利營私種種弊端深可痛恨且夫士子出身之始尤貴以正若茲厥初拜獻便已作奸犯科則異時敗檢踰閑何所不至又安望其秉公持正爲國家宣猷樹績膺後先疏附之選哉朕用嘉惠爾等故不禁反復惓惓頒茲訓言爾等務共體朕心恪遵明訓一切痛加改省爭自濯磨積行勤學